

Սրբազան Պատրիարք Օրմանեանի մի նոր շրջաըն-
րականը:

Լուծալու մարդէն առիթ ենք ունեցել շեշտելու Սրբա-
զան Օրմանեանի հայրական հոգացողութիւնը թէ հալ որբերի
գպրոցների ու թէ ուսուցիչ-ուսուցչուհիների վերաբերմամբ.
այս անգամ ևս մի նոր շրջաբերականով Կ. Պոլսի պատրիար-
քը դիմելով թէ Պոլսի ու թէ գաւառների հալ ուսուցիչներին,
դաստիարակներին և վարժուհիներին, լալտնում է նրանց պաշ-
տօնապէս մի նոր ու օգտակար կարգադրութեան մասին:

Սրբազան պատրիարքի քաջալերութեամբ և սատարու-
թեամբ Պոլսի հալոց Պատրիարքարանի ուսումնական խորհուր-
դը կազմեց «կարօտ ուսուցչաց օգնութեան սնդու-
կը», օժանդակելու՝ կարօտ ուսուցիչներին ու վարժուհիներին
հիւանդութիւնների և ալ կարևոր դէպքերում, որ արդէն
սկսել է իւր գործունէութիւնը: Ուրեմն այսուհետեւ տաճկա-
հալոց կարօտ ուսուցիչներն ու վարժուհիները ստիպուած չեն
լինի օտարներին ձեռք մեկնել կամ տոկոսով պարտք վերց-
նել. կալ մի հաստատութիւն, ուր նրանք առանց ամաչելու
կարող են դիմել և դրամական օժանդակութիւն ստանալ:

Սակայն Սրբազան Պատրիարքը չբաւականանալով այդ
«օգնութեան սնտուկով», ուսումնական խորհրդի և ալ լանձնա-
ժողովների խորհրդակցութեամբ՝ մտածում է ալ կերպ ևս
ապահովել հալ մանկան դաստիարակների կեանքը և առա-
ջարկում է նրանց ապահովել իրենց կեանքը: Ուսումնական
խորհուրդն ընդհանուր կերպով գործածուած ապահովագրու-
թեանց դժուարութիւններն ի նկատի ունենալով, աշխատում
է աւելի դիւրին պայմաններ ստեղծել ուսուցիչների համար.
ընտանեկան է ըլլոր ապահովագրական ընկերութիւնների
վարչութիւնների հետ՝ մէկ կողմից ուսուցիչների վճարումնե-
րը հնչաւորելու և միւս կողմից լոգուտ «օգնութեան սնտու-
կին» նպաստ ստանալու լուսով: Այդ բանակցութիւնները և
խորհրդածութիւնները լաջող հետեանք են ունենում և պատ-
րիարքարանը պայմանաւորում է Փարիզի «Էմիլիօն» ապահո-
վագրական ընկերութեան հետ: Այդ պայմանի հիման վրայ «Էմ-
իլիօն» ապահովագրական ընկերութեան մօտ ապահովագրուող
հալ ուսուցիչներն ու վարժուհիները, դաստիարակներն ու
դաստիարակչուհիները կարող են իրենց տարեվճարներն ամսէ

ամիս տալ. եթէ մի որ և է պատճառով վճարումներն ընդհատուին, ամիսներ կամ տարիներ անցնելուց լետով դրանք առանց կորուստի կարող են շարունակել իւրեանց վճարումները, հարկաւ ընդհատուած ժամանակի վճարներն ևս փոքրիկ տուկոսով տալով. ապահովագրութեան գումարը կարելի է մինչև 1000 Փրանկի իջեցնել: «Իւնիօն» ընկերութիւնն ալժամ իսկ «որոշ և նշանաւոր գումար մը պիտի նուիրէ ուսուցչաց օգնութեան սնտուկին ու երբ տարեվճարները 100 ոսկով գումարը անցնին, իւրաքանչիւր առաջին տարեվճարներէն ալ բաժին մը դարձեալ նոյն օգնութեան սնտուկի պիտի թողու իբր նպաստ, որով այս ամէնն ալ դարձեալ միենոյն ուսուցչական մարմնոյն օգտին և օգնութեան չափաքան իրական արդիւնքներ պիտի կազմեն): Իւրեանց կեանքն ապահովել ցանկացող ուսուցիչների առաջարկութիւնները ուսումնական խորհրդի միջոցով պէտք է չափանուին ընկերութեան վարչութեանը. «Այդ կերպով ուսուցիչք ալ վստահութիւն պիտի ստանան, որ ուսումն. խորհրդով միջնորդութեամբ իրենց իրաւունքներն և դիւրութիւնները օրինաւորապէս պիտի պաշտպանուին»:

Տաճկահայ ուսուցչական դասակարգին մնում է շնորհակալութեամբ ընդունել այս պաշտօնական առաջարկը և իրագործել: Ո՛րչափ բարոյական մխիթարութիւն ալժաման նեղ օրերին:

ՌԻԻՑ